



Republika e Kosovës
Republika Kosova
Republic of Kosovo



REPUBLIKA E KOSOVES/REPUBLIKA KOSOVA/REPUBLIC OF KOSOVO
KUVENDI KOMUNAL/ASSEMBLY OF MUNICIPALITY/SKUPSTINA OPŠTINE
SKENDERAJ

Nr. 01-069/01-005 2693/25
Data 17.12.2025



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 25.09.2025, ora 10:00

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Propozim-vendim për miratimin e Buxhetit Komunal të Skenderajt për vitin 2026 dhe parashikimet e buxhetit për vitin 2027 dhe 2028, me Nr.04-400/01-0038628/25, i datës 01.09.2025, (Raporton drejtori i DBF-së, **z. Ismet Aliu**);
5. Propozim-vendim me Nr.02-351/01-0040413/25, të datës 10.09.2025 për shfuqizimin në tërësi të Vendimit të kuvendit të komunës së Skenderajt me Nr.01-351/01-0031376/25, të datës 01.08.2025, (Raporton Kryetari i komunës, **z. Fadil Nura**);
6. Propozim-vendim për miratimin e Draft-Planit lokal të veprimt për barazinë gjinore 2025-2027, në Komunën e Skenderajt, me Nr.02-112/01-0039817/25, i datës 05.09.2025, (Raporton Zyrtarja për barazi gjinore **znj. Qefsere Dautaj**);
7. Pyetjet e këshilltarëve nën pikat të ndryshme.

Kryesuesja e kuvendit, Adelina Spahiu: I nderuar kryetari i komunës, të nderuar anëtar të kuvendit, drejtor të drejtorive, dhe gjithë ju të pranishëm, në sallë janë 26 anëtar, mungojnë me arsye Ragip Durmishi, Besnik Ahmeti, Ferdane Beqiri, Alketa Mecini, dhe Egzona Geci.

-Shkojmë me miratimin e rendit të ditës, e hap debatin, nëse nuk ka, Konstatohet me (24) vota për, (2) kundër dhe (0) abstenim, miratohet Rendi i ditës.

Vazhdojmë me piken 3 të rendit të ditës,

-Shqyrtimi i procesverbalit nga mbledhja e kaluara, e hap debatin, nëse nuk ka, Konstatohet me (26) vota për, (0) kundër dhe (0) abstenim, miratohet Procesverbalit nga mbledhja e kaluar.

Vazhdojmë me piken 4 të rendit të ditës;

-Propozim-vendim për miratimin e Buxhetit Komunal të Skenderajt për vitin 2026 dhe parashikimet e buxhetit për vitin 2027 dhe 2028, me Nr.04-400/01-0038628/25, i datës 01.09.2025, Para se me marr fjalën drejtori, fjalën ja kaloj kryetarit;

Kryetari i komunës, Fadil Nura: Fjala përshëndetëse, po e ndjej obligim me qenë se është seanca e fundit e kësaj legjislature të ju falënderoj së cilin prej juve për kontributin, angazhimin, masën kritike pa dallim përfshirë pozitë e opozitë, të gjitha ata që kanë dhënë kontribut në këtë kuvend, që ta përmbysim këtë legjislaturë me një komunikim institucional dhe besoj kemi arrit me bë punë të mira. Dhe shumica që jeni kandidat për asamble ju uroj shumë suksese dhe të ju shohë prapë me përgjegjësi të reja në mandatin e ardhshëm, faleminderit.

Drejtori i DBF-së, Ismet Aliu; Para vetes e keni Propozim-vendim për miratimin e Buxhetit Komunal të Skenderajt për vitin 2026 dhe parashikimet e buxhetit për vitin 2027 dhe 2028, një

obligim ligjor për anëtarët e kuvendit që të aprovojnë këtë buxhet deri me 30 shtator, dhe të dorëzojmë në ministrin e financave, është i bazuar në qarkoren buxhetore 2026/01, dhe 2026/02 dhe në KAB që e kemi aprovuar. Burimet financiare janë të përhershme sipas Ligjit për financa të pushtetit lokal, kriter nr. 1 për ndarje buxhetore neper komuna është popullsia rreth 89% ndikon në buxhet, fatkeqësisht ne jemi të ndëshkuar për arsye së nr. i popullsisë ka ra për 20%, po me qenë së ligji për financa për menaxhimin e financave publik dhe përgjegjësit nuk lejon që buxheti i vitit të ardhshëm të jetë me i ultë së viti aktual dhe ne kemi përfituar buxhetin e njëjtë që e kemi në vitin 2025, kemi zvogëlim të numrit të nxënësve të grandi i shëndetësisë për shkak të nr. të popullsisë po megjithatë buxheti për vitin 2026 do të jetë 20,245,395.00€, kjo është shifër fikse. Pjesa e pagave dhe shtesave di to të jetë 12,472,426.00€, dhe do të jenë drejt financimit në paga 1368, vende të reja në arsim janë të lejuar 6 vende, të shëndetësia i kemi të lejuar 4 pozita, dhe për asamblist ka ra numri në 27 anëtar. Në material e kemi të bashkangjitur edhe listën e projekteve kapitale për tri vite, vitin 2026 do të jetë i saktë, kurse dy vitet ne vijim do të jenë të parashikuar, kjo është në pika shkurta, kush ka pyetje jam këtu për përgjigje.

Kryesuesja; E hape debatin, fjalën ja kaloj;

Floriana Halili-LVV: Fjala përshëndetëse, drejtor a keni me i subvencionua grat për lindje?

Hysni Mehani-LVV: Fjala përshëndetëse, prita prej kolegeve opozitar që po e marrim fjalën, edhe po dua me i përgëzua prej kalimin prej akuzave për tradhti ndaj familjes Jashari, e për bashkëpunim me Radonqiqin, ky buxhet kur keni bërë bashkëpunime e shpërfaq edhe marrëveshjen e bashkëpunimit edhe aj kalim i madh që është kalim skandaloz përkthehet në buxhet, po nëse keni arrit me bërë atë kalim do duhej me u bashkua, po jo në kurriz të interesit të qytetarit. Pra drejtorit flitet që janë nda edhe unë po dua një shpjegim prej drejtorit qysh ka mundësi që drejtori i bujqësisë kërkon për vitin 2026, 200mijë€ ma pak, apo keni planifikuar me ja dhënë drejtorin, po jo buxhetin e me i dëmtua edhe bujqit dhe fermerët? Drejtori i shëndetësisë kërkon me ja hekë shëndetësisë 110mijë€ buxhet? Po ashtu ky buxhet e dëmtion edhe arsimin sepse në planifikim për arsim, Digjitalizimi i shkollave është zero, furnizimi i kabineteve informatike është zero, rregullimi i rrethojave, ndriçimi i shkollave është zero, dhe furnizimi me pajisje dhe kabinete dhe laborator është zero? Pra tri segmente kyqe të jetës së qytetarëve të Skenderajt ky planifikim i buxhetit i dëmtion Arsimin, shëndetësinë dhe bujqësinë. Në ndërkohë prej 75mijë€, e bënë në 275mijë€ buxhetin për zyrën e kryetarit, d.m.th. kur bëni bashkëpunime dhe kalime turpshme po nuk duhet me kalua në dëme të qytetarit. Nëse e shohim planifikimin i ka 12 projekte me pak në relacion më vitin 2025, planifikimin që e kemi këtu për vitin 2026 ka qenë 4,768,000.00€, dhe sot e kemi një planifikim prej 3,100,000.00€, ku janë edhe 1,600,000.00€ tjera që nuk po deklarohen për planifikime për investime kapitale, këto z. Drejtorë duhet me i deklarua së çka kanë ndodhur me këto mjete? edhe kërkoj që qytetaret e Skenderajt me i hequr prej shpenzimeve për barna sepse kanë nevojë. Keni planifikuar 3,500€ transporte për udhëtime jashtë vendi, keni planifikuar 2,250€ para gjepi, keni planifikuar akomodim, udhëtim zyrtar jashtë vendi 2,950€, dhe shpenzime tjera për udhëtime zyrtare jashtë vendi 3,500€? Z. Drejtorë ky planifikim i buxhetit duhet me u ndryshua dhe shpresoj që qytetaret kanë me ndalua këtë nivel skandaloz dhe të qeverisjes suaj, dhe këtyre marrëveshjeve, që kursen nuk janë përveç marrëveshje turpi.

Kryesuesja; Fjalën ja kaloj;

Nezir Ismajli-IDEAL: Fjala përshëndetëse, Mua me vjen keq qysh mundet me u shpreh Hysni Mehana në këtë formë, duhet me i ardhur marre, ky se ka përkrah familjen Jashari kurrë, se na e kemi përkrah gjithë dhe gjithë kemi me përkrah dhe na nuk jemi kundër familjes Jashari, po është Hysni Mehani edhe sot, që 20 vjet kurrë bardh nuk ka pah, veç zi, edhe tash mundohet me i mbulua rrenat e veta e dallaveret me këto fjalë.

Abdulla Gashi-IDEAL: Fjala përshëndetëse, sa i përket fyerjes së z.Mehani, për tradhti të familjes Jashari, kurrë në jetë nuk e tradhtoj familjen Jashari, dhe gjithë ka me i përkrah, ju si përkrahni.

Afrim Kabashi-NSD: Fjala përshëndetëse, unë këtë buxhet as që e kam shikuar, për arsye që ish veç vazhdim po nisna prej fshatit tim Polac, për 4 vite asgjë nuk u realizua, dhe tash veç po shohë premtime, dhe e di ato premtime tash që po dalin kanë me vazhdua ende, dhe gjendjen faktike e ka prezantua me foto fizike. Dhe sot kam prit prej kryetarit që fabrikën që e ka dhen në Polac në vitin 2022 atë vendim me shfuqizua sot, edhe kryetari e ka premtua këtë shfuqizim, nëse nuk realizohet kjo fabrikë. Çdo herë buxhetin e kam votua edhe sot do ta votoj jo për Afrim Kabashin as, për kryetarin, as për Sami Lushtakun as për Hysni Mehanin, po për qytetarinë. Për drejtorin e bujqësisë i kam disa pyetje, grandet që i keni shpërnda a janë vetëm për militantet e juaj apo për fermerët, 50% e këtyre grandeve ju kanë dhënë militanteve te juaj, njerëzve që jetojnë në Prishtinë dhe neper banesa.

Liridona Koci-PDK: Fjala përshëndetëse, materialin e kam analizua dhe pikat që kam bërë kërkesë ishin të planifikuar, siç është asfaltimi i rrugëve, trotuari, ndriçimi kanalizimi, dhe diçka tjetër që kërkoj me u planifikua në këtë buxhet është rrethoja e shkollës në Polac.

Kryesuesja; Fjalën ja kaloj;

Kryetari i komunës, Fadil Nura: Buxheti nuk është mirë me u përdor për fushat zgjedhore, sepse në legjislaturën e ardhshme ata që e marrin besimin qytetar do të përcjellin implementimin e tij, dhe të fokusohemi për pikat që jemi dhe mos ta banalizojmë dhe së cili e njohim njeri tjetrin dhe të jemi të vëmendshëm.

Drejtorit i DBF-së, Ismet Aliu: Shuma prej 4,768,000.00€, ka rënë në 3,109,000.00€ është ndryshimi i strukturës organizative të qarkores organizative 2026/01, sepse në KAB ka qenë një strukturë pak me ndryshe edhe të projektet kapitale, edhe ngritja e pagave ka reflektua që nga fondi i projekteve kapitale të kaloj në paga dhe ka ndikua ajo pjesë në atë shumë që ka rënë. Nenat lehona do ti subvencionojmë prapë në vlerë 200€.

Kryesuesja; Fjalën ja kaloj;

Hysni Mehani-LVV: Me thenë mos e politizo buxhetin, aj politika në relacion me buxhetin shkon, pra buxheti veç politik duhet me qenë në kuptimin e asaj së çka politizon.

Besiana Thaçi-PDK: Fjala përshëndetëse, se di përse po merrni seriozisht me Hysni Mehanin i cili është dikush që e pranon humbjen e betejës hala pa shkua në luftë, vet fakti që kandidon për kryetar komunë, dhe e ka sigurua veten që me qenë edhe bartës i listës e tregon që ky e ka pranuar humbjen e ti në këto zgjedhje të 12 tetorit. Ka mendi autoritarë aj donë me qenë kandidat për kryetar komune, bartës i liste dhe donë me qenë edhe pjesë e KPF-së që së ka lejuar kolegen e vetë me vazhdua, dhe ju kisha lutë me u marr sa me pak me këtë person.

Mentor Mehmeti-PDK: Fjala përshëndetëse, Drejtor unë e di që kontrata kolektive komunës ton ja ka marr miliona euro, drejtor a është e mundur të rimbursohen këtë këto mjete e të kthehen qytetarit?

Floriana Halili-LVV: Me vetë dëshirë kam dhënë dorëheqje nga KPF-ja, dhe nuk me ka imponua askush me dhënë dorëheqje.

Kryesuesja: Dikush tjetër, nëse nuk ka shkojmë në votim, Konstatohet me (23) vota për, (2) kundër dhe (0) abstenim miratohet Propozim-vendim për miratimin e Buxhetit Komunal të Skenderajt për vitin 2026 dhe parashikimet e buxhetit për vitin 2027 dhe 2028.

Vazhdojmë me piken 5 të rendit të ditës,

-Propozim-vendim me Nr.02-351/01-0040413/25, të datës 10.09.2025 për shfuqizimin në tërësi të Vendimit të kuvendit të komunës së Skenderajt me Nr.01-351/01-0031376/25, të datës 01.08.2025, (Raporton);

Kryetari i komunës, Fadil Nura: Propozim-vendim me Nr.02-351/01-0040413/25, të datës 10.09.2025 për shfuqizimin në tërësi të Vendimit të kuvendit për themelimin e poliklinikës Specialistike me njësinë e Hemodializes të komunës së Skenderajt, na ka ardhur një rekomandim nga Ministria që kjo poliklinikë të themelohet me kërkesë komunale, se si kuvend po e shfuqizojmë këtë vendim sepse ne vitin tjetër na duhet për performancë.

Kryesuesja: E hapë debatin, fjalën ja kaloj:

Besart Rrecaj-PDK: Desha me pyet Hysin a është Podujeva Kosovë, a jemi te njëjtë si komunë a mundesh me na dhënë një sqarim?

Hysni Mehani-LVV: Thatë mos të politizojmë buxhetin, hajde të dëgjojmë çka ka thenë një ekspertë i kësaj fushe; Sigurimi i resurseve humane është e pamundshme sidomos stafi specialisteve, ju gjithë e dini se spitali i Mitrovicës është tu vuajtur për specialist, dializën në Mitrovicë e mban vetëm një nefrolog specialist ku kryhen dializa dhe kemi telashe të jashtëzakonshëm në realizimin e punës aty. Të realizohet hemodializa në Skenderaj ish kanë diçka e jashtëzakonshëm po është e pamundur, poliklinikë nuk mundën me u shtri pacientet me qëndrua sepse duhet me pas mjek kujdestar me i përcjell, po në poliklinik merren shërbime ambulatorë dhe do të merren vetëm vizita specialistike, nuk do të ketë operacione po për me realizua do të jetë një sfidë shume e madhe sepse ka mungesë të specialisteve, një specialist nuk pranon me ardh në Mitrovicë leje në Skenderaj, dhe është diçka e pamundur të realizohet, po thotë një specialist që e keni në grupin e juaj, a i besoni ju këtij specialisti.

Kryetari i komunës, Fadil Nura: Kjo qeshtje u diskutua në seancën e kaluar, dhe me qenë se disa komuna tjera e kanë implimentua dhe e kam pas vullnetin me shty këtë proces përpara.

Kryesuesja: Me kaq mbyllet ky debat, Konstatohet me (24) vota për, (0) kundër dhe (0) abstenim miratohet Propozim-vendim me Nr.02-351/01-0040413/25, të datës 10.09.2025 për shfuqizimin në tërësi të Vendimit të kuvendit të komunës së Skenderajt me Nr.01-351/01-0031376/25, të datës 01.08.2025.

Vazhdojmë me piken 6 të rendit të ditës,

-Propozim-vendim për miratimin e Draft-Planit lokal të veprimit për barazinë gjinore 2025-2027, në Komunën e Skenderajt, me Nr.02-112/01-0039817/25, i datës 05.09.2025, (Raporton);

Zyrtarja për barazi gjinore Qefsere Dautaj; Fjala përshëndetëse, para vetes e keni Propozim-vendim për miratimin e Draft-Planit lokal të veprimit për barazinë gjinore 2025-2027, në Komunën e Skenderajt, ky planë është hartuar nga një grup punues, dhe nga të gjitha drejtorit, dhe është përkrahur nga organizatat ndërkombëtare UN Women me ekspertin e kësaj fushe Monika Kosaqi, dhe ky planë është obligim ligjorë, është një nderë kriteret për rritjen e performances komunale për vitin tjetër, materialin e keni përpara, kush ka pyetje jam këtu për përgjigje.

Kryesuesja: E hap debatin, fjalën ja kaloj:

Floriana Halili-LVV: Të fjala përshëndetëse e kryetarit në këtë dokument, kryetari e ka cek së komuna jonë mbetet e përkushtuar për të siguruar rendësi të barabartë për të gjithë, dhe siguri për barazi kjo nuk është, po të ishte nuk ish mbet ekzekutivi veç me një drejtoresh femër?

Afrim Kabashi-NSD: Kërkoje nga zyrtarja që zëri i gruas të ngritët me lart dhe pajtona me Florianen, dhe ti jepet me shume rendësi gruas.

Zyrtarja për barazi gjinore Qefsere Dautaj; Prej momentit që e kam marr këtë pozitë jam angazhuar sa i përket barazisë gjinore, dhe jam munduar me i përfshi gjitha fushat, sa i përket, drejtoresha në fillim të mandatit ka pas me shume, po gjatë rrugës ka mbet vetëm një.

Kryesuesja: Vazhdojmë me pike 7, nuk kemi pyetje për këtë mbledhje, mirupafshim.

Procesmbajtësi



Kryesuesja e Kuvendit